

Cynllun a wnier o dan Adran 15 o ddeddf Cymwysterau Cymru 2015



Mai 2021

Ail-gyhoeddwyd fersiwn 2 o'r Cynllun a wnaed o dan Adran 15 o Ddeddf Cymwysterau Cymru 2015 wrth i ddiweddariad bach gael ei wneud ym mis Mai 2021. Oherwydd i'r DU adael yr UE roedd angen i ni ddileu'r cyfeiriad at hysbysebu yn OJEU.

Anfonwch unrhyw sylwadau at polisi@cymwysteraucymru.org

CYNNWYS

RHAN A - SAIL STATUDOL AR GYFER Y CYNLLUN

RHAN B – DARPARIAETHAU CYFFREDINOL

RHAN C – Y WEITHDREFN DDYFARNU

RHAN A - SAIL STATUDOL AR GYFER Y CYNLLUN

Yn unol ag Adran 15 o Ddeddf Cymwysterau Cymru ("y Ddeddf"), mae'r ddogfen bresennol yn gwneud darpariaethau ar gyfer sut y byddwn yn gwneud trefniadau ar gyfer datblygu cymwysterau blaenoriaeth, cyfyngedig.

15 Pŵer i wneud trefniadau i ddatblygu cymhwyster blaenoriaeth, cyfyngedig

(1) Gall Cymwysterau Cymru ymrwmo i drefniadau gyda chorff dyfarnu, ac effaith y trefniadau hynny yw galluogi'r corff i ddatblygu ffurf newydd ar gymhwyster blaenoriaeth, cyfyngedig, gyda'r bwriad o gael darpar gymeradwyaeth ar gyfer y ffurf honno o gymhwyster o dan adran 16.

(2) Gall y trefniadau wneud darpariaeth, ymhlith pethau eraill, ar gyfer y canlynol —
(a) y meini prawf i'w bodloni gan ffurf y cymhwyster hwnnw sydd i'w ddatblygu;
(b) taliadau i'w gwneud gan Cymwysterau Cymru mewn perthynas â'i ddatblygiad.

(3) Rhaid i Cymwysterau Cymru lunio cynllun sy'n gwneud darpariaeth ynghylch gwneud trefniadau o dan yr adran hon.

(4) Rhaid i Cymwysterau Cymru arfer ei swyddogaethau yn unol â'r cynllun.

(5) Rhaid i'r cynllun bennu gweithdrefn agored, deg a thryloyw.

(6) Gall Cymwysterau Cymru ddiwygio'r cynllun.

(7) Rhaid i Cymwysterau Cymru gyhoeddi'r cynllun.

Mae'r cynllun hwn yn cael ei wneud yn unol ag Adran 15(3) a'i gyhoeddi'n unol ag adran 15(7)

RHAN B – DARPARIAETHAU CYFFREDINOL

Caiff y trefniadau a wneir o dan adran 15(1) eu nodi mewn contract ysgrifenedig rhwng Cymwysterau Cymru a'r corff dyfarnu perthnasol. Ni fydd unrhyw drefniadau'n ddilys oni bai a hyd nes y bydd contract o'r fath wedi'i wneud.

Dyfernir contract o'r fath yn unol â'r weithdrefn a nodir yn Rhan C o'r Cynllun hwn.


Wrth gyflawni'r weithdrefn, bydd Cymwysterau Cymru yn ymddwyn yn deg, yn agored ac yn gymesur, ac yn unol â'i Bolisi Cyfyngu cyhoeddedig.

RHAN C – Y WEITHDREFN DDYFARNU

Mewn rhai achosion, bydd y Rheoliadau Contractau Consesiwn yn gymwys ac ystyrir bod y siart llif hwn yn unol â'r rhain.

Mewn achosion eraill, bydd Cymwysterau Cymru yn cymhwyso'r broses a nodir isod.

FFIGUR 1: PROSES GOMISIYNU AC AMSERLEN DDRAFFT SY'NYMGORFFORI CAMAU DEIALOG.
 PAN NAD OES ANGEN DEIALOG, CAIFF BWLEDI 4 I 6 EU CYFUNO AC FELLY GALLAI AMSERLENNI'R CAM HWN FOD 2 I 4 MISYN
 FYRRACH O GANLYNIAD I HYNNY (O GYM HARU Â'R 130 DIWRNOD A DDANGOSIR) BYDDY BROSES HONYN DECHRAUYN DILYN
 GOSODY CYMHWYSTER AR Y RHESTR CYMHWYSTERAU BLAENORIAETHOL A CHYHOEDDI'R PENDERFYNIAD I GYFYNGU



NODER: Dangosol yn unig yw'r terfynau amser. Mae'r amserlenni ar gyfer pob un o'r cyfnodau yn hyblyg a gall Cymwysterau Cymru eu pennu yn ôl yr angen. Fodd bynnag, er mai ychydig o derfynau amser rhagnodedig sydd, mae'n rhaid i unrhyw derfyn amser a osodir fod yn rhesymol ac yn gymesur mewn perthynas â chwmpas a natur y gystadleuaeth.